

6. maj 2005

UPA 2005/20

**Inissianik attartorneq pillugu Inatsisartut peqqussutissaattut siunnersuut**

**pillugu**

**Inatsisartut Attaveqarnermut Ineqarnermullu Ataatsimiititaliaata**

**ISUMALIUTISSIISSUTAA**

**Peqqussutissat siunnersuutip aappassaaneerpeqarnerani  
saqqummiunneqartoq**

Inatsisartut Attaveqarnermut Ineqarnermullu Ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Agathe Fontain, Inuit Ataqtigiit, siulittaasoq  
Inatsisartunut ilaasortaq Per Rosing-Petersen, Siumut, siulittaasup tullia  
Inatsisartunut ilaasortaq Jürgen Wever Johansen, Siumut  
Inatsisartunut ilaasortaq Godmand Rasmussen, Atassut  
Inatsisartunut ilaasortaq Palle Christiansen, Demokraatit

18. april 2005-imi siullermeerinerup kingorna inissianik attartorneq pillugu Inatsisartut peqqussutissaattut siunnersuut Inatsisartut Attaveqarnermut Ineqarnermullu Ataatsimiititaliaata misissorpaa.

**Tusarniaanermi akissutisiat**

Siunnersuutip matumani pineqartup ataatsimiititaliami suliarineqarnissaanut atugassatut tusarniaanermi akissutisiat nuutinneqarnerinik ataatsimiititaliaq piniarpoq. Tusarniaaffigineqartut akissuteqarnissamut qaammatinik marlunnik periarfissinneqarsimanerat tusarniaanermillu akissutisiat annertuutigut siunnersuummut ilanngunneqarsimanerat ataatsimiititaliap iluarisimaarlugu maluginiarpaa.

Kiisalu peqqussutissatut siunnersuummut allannguutissatut siunnersuutininik arlalinnik, inissianik attartorneq pillugu inatsisitigut inissisimanerup erseqqissaavigineqarneranut peqataaqataasunik Naalakkersuisut saqqummiussinerannik nassataqartumik Inatsisartut Naalakkersuisullu allattoqarfiisa ingerlalluartumik eqaatsumillu suleqatigiissimanerat ataatsimiititaliap iluarisimaarlugu maluginiarpaa.

## **Siunnersuutip imarisai**

Naalakkersuisut siunnersuuteqarnermikkut inissianik attartorneq pillugu peqqussut maanna atuuttoq kingusinnerusukkullu allannguuteqartinneqartarsimasoq ataatsimoortunngortippaat. Tamatumalu peqatigisaanik iliuitsit nutaat arlallit peqqussummut ilanngunneqarput.

Allannguutit ilaat Inatsisartut Attaveqarnermut Ineqarnermullu Ataatsimiititaliaannit maluginiarneqartoq tassaavoq sulisunut inissiat ukiut arfineq marluk najugarineqareernerisigut inissiatut nalinginnaasumik attartukkatut tiguneqarsinnaalernissaat. Tamatuma saniatigut soraarninngortut sulisunut inissiami ukiut pingasut najugaqarsimagunik soraarninngornerminni taassuma tigungissaanut periarfissinneqarnerat pissusissamisoortutut ataatsimiititaliamit isigineqarpoq. Iliuitsit taaneqartut ineqarnek suliffeqarnerlu eqqarsaatigalugit nikerarsinnaassuseqarnermut annertusaataaqataallutillu suliffeqareernerup kingorna soraarninngortut amerlanerit nunatsinniiginnarnissaannut periarfissiipput.

Inissiap attartukkap ukioq ataaseq tikillugu allamut attartortinneqarsinnaanera periarfissinneqarmat naapertuuttutut isigineqarpoq. Taamatuttaaq inissiat pisortat attartortittagaasa paarlaasseqatigiissutigineqarsinnaanerannut periarfissat pitsanngortinneqarnerat ilassilluarneqarpoq.

Avatangiisinut taamatullu attartortut ataasiakkaat aningaasaqarnerannut iluaqutaasumik imermut naatsorsuutit pillugit maleruagassat nutaat imermik atuinerup ataatsimut isigalugu appariaateqarneranut peqataaqataanissaat naatsorsuusitigineqarsinnaavoq.

Kiisalu Ineqarnek pillugu Maalaaruteqartarfimmik pilersitsinissaq Inatsisartut Attaveqarnermut Ineqarnermullu Ataatsimiititaliaannit qilanaarineqarpoq. Tamanna ineqarnek pillugu maalaarutit pilertornerusumik suliarineqartalernerannut peqataaqataassasoq ataatsimiititaliap neriuutigaa.

Tamanna tungavigalugu inissianik attartorneq pillugu Inatsisartut peqqussutissaattut Naalakkersuisut siunnersuutaat allannguutitai ilanngullugit akuersissutigineqassasoq ataatsimiititaliami amerlanerussuteqartut Siumumeersut, Inuit Ataqtigiinnersup Demokraatineersullu inassutigaat.

Ataatsimiititaliami ikinnerussuteqartup Atassummeersup siunnersuut tungaviusumik isigalugu isumaqatigaa, siunnersuutilli aappassaaneernejarnissaata 2005-imi ukiakkut ataatsimiinnissamut kinguartinneqarnissaa kissaatigalugu,

taamaaliornikkut suliarinninnissamut piffissaqartoqarnerusinnaaqullugu. Tamanna tunngavigalugu siunnersuut maannakkuugallartoq itigartitsissutigineqassasoq Atassutip inassutigaa.

Taama oqaaseqarluni Inatsisartut Attaveqarnermut Ineqarnermullu Ataatsimiititaliaata siunnersuut aappassaaniigassanngortippaa.

Agathe Fontain,  
siulittaasoq

Per Rosing-Petersen,  
siulittaasup tullia

Jürgen Weyer Johansen

Godmand Rasmussen

Palle Christiansen